



## Publicaziuns dalla vischnaunca, jamna 13

### Damonda da baghegiar

**Nr. 2010-1016**

**Datum da publicaziun:** igl 1. d'avrel 2010

**Il patrun:** Alpventura GmbH, Via Alpsu 37, 7180 Disentis/Mustér

**Il representant:** Otmar Flepp, Via Acletta 13, 7180 Disentis/Mustér

**Object:** Piazza da giug (baghegiar per affons), parcella 2879, Fontanivas, 7180 Disentis/Mustér

Il plans da construcziun ein deponi tier l'administraziun communal. L'investa publica cuoza 20 dis dapi il datum dalla publicaziun.

Eventualas protestas encunter sura damonda da baghegiar ein d'inoltrar a scret enteifer 20 dis alla istanza da baghegiar, caum postal 57, 7180 Disentis/Mustér. La protesta sto esser motivada e sut-tascretta dil recurrent ni da siu representant.

Disentis/Mustér, ils 29-3-2010

*Uffeci da baghegiar Disentis/Mustér*

### Damonda da baghegiar

**Nr. 2010-1017**

**Datum da publicaziun:** igl 1. d'avrel 2010

**Il patrun:** Recal AG, Via Alpsu 49, 7180 Disentis/Mustér

**Il representant:** Iso Mazzetta biro d'inschignier, Via principala 125, caum postal 99, 7166 Trun

**Object:** Niev implont da scaldar a distanza, realisaziun dall'emprema etappa dalla reit da provediment per in scaldament a distanza, parcella 3626 (reit da provediment parcelas 741, 963, 764, 755, 757, 758, 768, 760, 962, 959, 686, 640, 685, 960, 2086, 778, 779, 780, 781, 695, 2487, 701), Via Lucmagn 24, 7180 Disentis/Mustér

Il plans da construcziun ein deponi tier l'administraziun communal. L'investa publica cuoza 20 dis dapi il datum dalla publicaziun.

Eventualas protestas encunter sura damonda da baghegiar ein d'inoltrar a scret enteifer 20 dis alla istanza da baghegiar, caum postal 57, 7180 Disentis/ Mustér. La protesta sto esser motivada e sut-tascretta dil recurrent ni da siu representant.

Disentis/Mustér, ils 26-3-2010

*Uffeci da baghegiar Disentis/Mustér*

---

### Lubientschas da baghegiar

L'istanza da baghegiar ha concediu suandontas lubientschas da baghegiar:

**Nr. 2010-1003**

Sennaria Surselva SA, Via Lucmagn 33, 7180 Disentis/Mustér; cascharia nova, parcella 2883, Via Lucmagn, 7180 Disentis/Mustér.

**Nr. 2010-1008**

Banca Raiffeisen Cadi, Via Cons 1, 7180 Disentis/Mustér; spazzar il baghetg e construir in'entrada tier la piazza, parcella 707, Via dalla Staziun 3, 7180 Disentis/Mustér.

Quellas lubientschas san vegnir contestadas enteifer 30 dis dapi la publicaziun el Fegl official dalla Surselva tier la Dertgira administrativa dil cantun Grischun.



Disentis/Mustér, ils 29-3-2010  
*Uffeci da baghegiar Disentis/Mustér*

### Annunzias da baghegiar

All'instanza da baghegiar ei sin fundament digl art. 64, alinea 2 dalla lescha da baghegiar e digl art. 40 dalla ordinaziun davart la planisaziun dil territori dil cantun Grischun OPT vegniu annunziau suandonts projects:

**Nr. 2010-2021**

Willi Huonder, Via Glaretsch 14, 7186 Segnas; cavar si la Via Peisel (sonda igl 1. da matg 2010) per tschentar lingia da tensiun, Via Peisel, 7186 Segnas.

**Nr. 2010-2022**

Corsin Lutz, Via Alpettas 20, 7180 Disentis/Mustér; nova preit da schurmetg pil plaz da seser, parcella 2510, Via Alpettas 20, 7180 Disentis/Mustér.

**Nr. 2010-2024**

Ervin Maissen, Via Latis 6, 7180 Disentis/Mustér; sanaziun dil mir curtin e dalla seiv, parcella 576, Via Latis 6, 7180 Disentis/Mustér.

**Nr. 2010-2025**

Manuela Ullram-Schmed, Ettenbergstrasse 9, 8907 Wettswil; engrondir il plaz avon l'entrada dalla casa, parcella 2164, Via Clavau 9, 7182 Cavardiras.

**Nr. 2010-2028**

Cuminonza da condomini Casa Sulegl, Via Acla 3, 7180 Disentis/Mustér; renovaziun dils tschabergals da balcon, sanaziun da betun dils balcon, colurar las fatschadas dalla casa, parcella 1343, Via Acla 3, 7180 Disentis/Mustér.

**Nr. 2010-2029**

Heinrich Berther, Via Sogn Placi 2, 7180 Disentis/Mustér; remplazzar entginas finiastras, adattar e colurar la fatschada vest dalla casa sco era dils luvratoris, sanar e colurar il tetg dil luvratori, spazzar la seiv ed adattar ils contuorns, parcella 906, Via Sogn Placi 1, 7180 Disentis/Mustér.

Encunter quellas decisiuns san ins protestar a scret enteifer 20 dis dapi la publicaziun alla suprastanza communal.

Disentis/Mustér, ils 29-3-2010  
*Uffeci da baghegiar Disentis/Mustér*

---

### Midada d'adresa enteifer vischnaunca

Tgi che mida casa **enteifer la vischnaunca** ei obligaus d'annunziar la nova adresa all'administraziun communal enteifer 8 dis.

*Controla da habitonts Disentis/Mustér*

---

### Purschida gratuita

La vischnaunca da Mustér porscha a ses habitonts la pussevkladad da visitar gratuitamein la *Casa da traffic a Lucerna* ([www.verkehrshaus.ch](http://www.verkehrshaus.ch)). Al spurtegl dall'administraziun communal sa per **mintga di** digl onn vegnir retratg **5 entradas gratuitas**. En quella purschida ei cunteniu:

– entrada gratuita ella Casa da traffic a Lucerna cun museum, planetarium, museum da Hans Erni



- teater da film IMAX per in prezi spezial (frs. 4.– reducziun)
- 10% rabat sin artechels ella stizun dil museum

Co fuss ei da far inagada in'excursiun a Lucerna, forsa gest cun nezegiar la carta dil di per viagià cun quasi tut ils mieds da traffic publics en Svizra? Dapli informaziuns retscheveis Vus tier l'administraziun communal Mustér (tel. 081 920 36 36 ni e-mail: [admin@disentis.ch](mailto:admin@disentis.ch)).

Nus giavischein ina nunemblideivla aventura el museum il pli frequentau en Svizra.

*Suprastonza communal*

---

### **Clom d'urgenza 118 Agid dils pumpiers da tuttas uras!**

Preziadas vischinas, prezai vischins

Las vischnauncas da Medel, Tujetsch e Mustér possedan uss mo pli in corp da pumpiers. Ell'organisaziun munta quei ina gronda midada per las vischnauncas, mo cunzun per las personas che prestan survetsch. Per Vus resta denton il clom d'urgenza 118 era egl avegnir.

Nus supplichein per quei Vus d'alarmar ils pumpiers adina sur quella numera da telefon e buc empruar da contactar pumpiers sin via privata. Vus levgeis cheutras nossa lavur e scursanis il temps d'alarmaziun marcantamein.

Dapli informaziuns anfleis Vus sin nossa nova pagina d'internet sut [www.pumpiers-sursassiala.ch](http://www.pumpiers-sursassiala.ch).

Engraziel per Vies sustegn!  
*Vos pumpiers Sursassiala*

---

### **Uniun da dunnas Mustér Mummas cun affons pigns Suentermiezdi da striegn**

Cordialmein envidein ils affons cun lur mummas ad in suentermiezdi da striegn. Suenter purschin nus petta e caffè.

**Cu:** mesjamna, ils 7 d'avrel 2010  
**Nua:** halla Cons  
**Uras:** 15.00

Sin Vossa stedia viseta selegran  
*mummas cun affons pigns Mustér*

---

### **Secziun da catschadurs Péz Alpetta Invitaziun alla radunonza da tgira**

**Mesjamna, ils 7 d'avrel 2010 allas 20.15 el hotel Alpsu.**

**Tractandas radunonza da tgira:**

1. Beinvegna ed appel
2. Elecziun da dus dumbravuschs
3. Approbaziun dalla gliesta da tractandas
4. Prelecziun ed approbaziun dil protocol

5. Rapport dil cau da tgira



6. Rendaquen dil cau da tgira, rapport dils revisurs ed approbaziun dil quen da tgira
7. Fixaziun preventiv per il menaschi da tgira
8. Program da lavur (tgira)
9. Discussiun davart eventualas midadas dallas prescripziuns dil menaschi da catscha (propostas en la gasetta il catschadur)
10. Tractaziun d'eventualas propostas inoltradas tenor (art. 12 lit. 2) dils statuts
11. Informaziun pertuccont il lotto dils 17 d'avrel 2010
12. Varia

Cordialmein envida  
*la suprastanza*

---

### **Movis: Preavis producziuns finalas**

Movis – **Moviment e sault** per affons e giuventetgna 10 gruppas d'affons e giuventetgna da Mustér e contuorn presentan lur coreografias ch'ellas han exercitau duront igl onn da sault 2009/10.

Cu?  
**venderdis, ils 23-4-2010 allas 20.00 uras**  
**sonda, ils 24-4-2010 allas 20.00 uras**  
**dumengia, ils 25-4-2010 allas 17.00uras**

Nua?  
**Halla Cons, Mustér**

Sin Vossa viseta selegran  
*ils Movis*

---

### **Uniun samaritana Mustér**

Nies proxim exercezi meinsil ha liug:

**Gliendisdis, ils 12 d'avrel 2010 allas 20.00 uras en casa da scola, Cons.**

A stedia participaziun envida  
*la presidenta*

---

### **Colonna d'agid Mustér** **Invitaziun al proxim exercezi**

**Datum:** Sonda, ils 3 d'avrel 2010  
**Temps:** allas 8.15 uras  
**Liug:** Rimnada a s. Catrina – Pendicularas Mustér SA  
**Material:** Equipament cumplet da turas da skis  
**Tema:** Lavurs da preparaziun per Trofea Péz Ault  
**Il parsura:** *Alexi Dermon*

---

### **Sera da giugs en ludoteca**

**Venderdis, ils 9 d'avrel 2010** envida la ludoteca ad ina sera da giugs naven dallas 20.15 entochen allas 22.00.

Vegni, mirei e giughei cun nus. Nus selegrein da Vossa viseta.



*La squadra dalla ludoteca*

**Ludoteca Mustér**

**Liug/Ort: Halla Cons, tel. 076 494 39 92**

**e-mail: [ludoteca@disentis.ch](mailto:ludoteca@disentis.ch)**

**Uras d'avertura / Öffnungszeiten:**

Gliendisdis/Montag: 18.30–20.00

Gievgia/Donnerstag: 16.00–17.30

Venderdis/Freitag: 18.30–20.00

*Vies team dalla ludoteca*

---

**Biblioteca populara, Mustér**

**Liug: Casa da scola, tel. 081 947 52 90, [biblioteca@disentis.ch](mailto:biblioteca@disentis.ch)**

Sut [www.disentis.ch](http://www.disentis.ch) ni [www.bibliotecas-surselva.ch](http://www.bibliotecas-surselva.ch) anfleis Vus nies entir catalog bibliotecar. Per e-mail saveis Vus reservar ina ni pliras medias ed enteifer 5 dis retrer ad emprést ellas en biblioteca populara.

**La biblioteca ei aviarta:**

Gliendisdis 18.30–20.00 uras

Mardis 13.30–15.00 uras

Gievgia 16.00–17.30 uras

Venderdis 18.30–20.00 uras

Nies motto: Leger . . . tedlar . . . mirar . . . !

Nus selegrein da mintga viseta.

*Biblioteca populara Mustér*

---